

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

康熙平和縣志
乾隆南靖縣志
民國長泰縣新志

中國地方志集成

福建府縣志輯③②

康熙平和縣志

乾隆南靖縣志

民國長泰縣新志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯·32, 康熙平和縣志、
乾隆南靖縣志、民國長泰縣新志 / 上海書店出版社編.
上海: 上海書店出版社, 2000. 10
ISBN 7-80622-424-6


I. 中... II. 上... III. ①地方志-中國②地方志-
福建-平和縣③地方志-福建-南靖縣④地方志-福建-長
泰縣 IV. K29

中國版本圖書館 CIP 數據核字 (2000) 第 27739 號

docsriver 文川网
入驻商家 古籍书城

在文川网搜索古籍书城 获取更多电子书

永春山脈水道全圖



序

夫人事之廢興關乎氣數時之未至歷久謀之難成時之既至倉猝圖之易就平和開治自有明正德始也邑之有志嘉靖乙巳謝君前溪創之崇禎丁丑朱君祇園繼之迨王君天木起而重輯之始有完書矣時蓋在康熙戊戌年耳當其時規模草創兵燹迭經城池之毀而復建人民之散而復聚以及學校之盛衰職官之沿革政治之得失風俗之變遷率皆缺略不書和之士夫有如郊子之能言其祖王弘日對千容而不犯一人之諱者乎和之耆老有如應劭風俗

平和縣志

卷首

一

之傳荆楚歲時之記東京夢華之錄者則均寥寥不可得然猶數十年而即修或近百年而復修從未有曠廢百餘年之久至今文獻無徵斷簡凋零有如今日之甚者夫鄴侯入秦先收圖籍文翁化蜀遽敦典型豈蒞斯土者不知邑乘為政之急務耶抑均視官如傳舍故謀之不力耶壬午冬杪余假柯來茲首以倡捐膏火為己任邑故瘠土也僻在萬山中民知向義戶鮮素封適修道署派捐逮縣事未及竣而法夷則寇馬江及臺灣海防捐輸復踵行之不肖委員假公以飽其私挾上官之聲威若故與余為難者斯時

余方慮膏火之不克竟其事也即欲兼圖乎志書而力有不暇給今幸得諸君子不遐棄我樂臂助而皆得歲其成嗚呼夫豈始願及此耶昔黃君小山修之稿垂成而解任王君吉人亦議修而灰代二公之不克成其功者時限之也顧念迂拙如余而是役隱若待卒其業者殆有冥冥前定於其間乎是編鋟板已久自髮逆擾後散失鮮有存者廣文曾君淵卿訪求於陳氏得之敝篋中蠹簡全書薪餘未燼洵吉光之片羽也竊恐滄桑變易時事難知再遲之又久殘編終逸將屏亂益無可考者亟將舊本付諸梨棗嗣有

平和縣志

卷首序

二

採訪仍延請廣文游君孟侯纂修而附綴之且樂觀

續志之成焉

尚

光緒己丑孟春吉日知平和縣事岳陽楊卓廉撰



董脩平和縣誌序

和為漆郡西南治先未設邑自以平漢間象湖箭管等處群寇蹂躪惟時王父成公督三省兵殲夷之遂允衆議請於朝制而靖漳浦之二里以建縣治迄今蓋二百餘年矣顧其地連粵境且多深山邃谷險阻扼塞之區宰斯土者撫字之方與防禦之術二

平和縣志

卷之首序

一

者兼行斯足以嘉惠民生而怯於戰暴不然鮮有不掣肘而覆墜者矣然臣向先在知一邑之大要若何而利者可與若何而弊者可革若何而風俗之漓者可變而為儒若何而疆域之險且僻者可安靖而無患若此徵諸文獻因地制宜何以措施若合無戾於休國經野之表則志乘一書願可

器而不備乎乃和誌自有明生列駕攝和
 備輯後歷有年區嶼多鈔缺曾未有人繼
 其事不稱職方之掌未修而且民風土俗山川
 險要以及錢穀兵刑人物政教必無考據則
 維欲噢咻我衆庶保固我疆陸其道無由也
 軒六臣令尹以瑯琊世胄來宰控和以為知一
 邑事而不知一邑之大要不可以為治欲知一邑
 平和縣志卷之首 序 二

之大要而不考之於邑乘亦不可以為治於是
 毅然起而重備之蒐羅參訂增缺補鈔一邑
 之大要盡在目前為治之大端亦瞭如指掌若
 成之日適當晉職之時將執駕北行矣而猶不
 忘所事尚序於余曰是舉也豈獨繼生列駕
 之芳徽傳為餘年之久獻於以昭示來茲凡
 宰斯邑者其闡帳而知一邑之大要庶不乖

於因地制宜之治守則備誌之大有造於
 和也豈涉鮮哉

福建巡海汀漳使者李鉉撰



平和縣志

卷之首 序 三

序 藏

今天下車書一統風俗大同
國典通志彪炳輝煌班班可考
矣使天末荒陬窮鄉下邑紀
載未備亦非所以昭極盛也
余奉

命守漳甫入境問各屬志乘慮

平和縣志卷之首序

一
恐闕失慨然有釐正之志是
時適奉

憲有纂修之檄遂遵而轉行
之于是溪邑江君首告成事
余既喜而序之和令王君亦
相繼告竣復來請序於余余
惟平和為漳巖邑介閩廣之

交山重箐密崎嶇深阻宰其
地者方惴惴焉慮盤錯之不
暇而王君獨恢恢游办政事
之餘廼能訂疑補缺博訪廣
諮綜其山川風物手自刪定
可不謂留心民物通達治體
者歟志甫成而王君以陞任

平和縣志卷之首序

二

去賢宰之治未竟厥用而百
里間之形勢習尚建置沿革
瞭如指掌余將藉手以仰副
各上憲振興文教鼓吹休明
之盛而繼王君之後者亦得
所考據以善其經理節宣之
用則斯志之成也詎惟一時

之勝事已哉因為序以弁其
首

康熙己亥仲夏中澣漳州郡守

三韓李秉衡撰



平和縣志

卷之首序

三

序

邑乘之設在于嚴要塞以固疆域明獎勵以興
教化詳因革以陳利弊以有關於國計民生者
為首務而寄折衝于樽俎寓轉移于風尚斯為
當世得失之林而山川寺宇古蹟藝文猶其末
焉也和之設縣創自文成而邑之有志謝前
溪開之于始嘉靖乙巳也朱祗園繼之于後崇

平和縣志

卷之首序

一

禎丁丑也然皆存其梗概而未備且自崇禎丁
丑迄于康熙戊戌中間八十餘年之事全無紀
載使再遲之數十年後文獻凋謝既無典籍之
足徵又無老成之可考傳聞互異將信將疑有
欲起而脩之者其將何所憑以折衷哉况戊子
己丑以後海氛四起漳汀多故鄭氏父子之猖
獗吳淑兄弟之叛逆伏莽弄兵陵谷滄桑城郭

之築而毀毀而復築人民之聚而散散而復聚者不知幾經變遷矣嗚呼邑乘之脩豈非今日之急務也歟余以山左書生承乏茲土慨因循之已久恐墜續之將湮詳請

列憲糾集紳士與共事諸公旁搜遠覽採勝索幽參互考訂備極咨詢增補闕畧數倍于前凡田賦學校兵防祀典以及疆域人物之類參古

平和縣志

卷之首序

二

酌今蓋亦不遺餘力于其間矣始于戊戌仲冬事未竟而

詮部有量移之命于己亥季春離任雖部限嚴迫而余竊幸卸簿書之煩得以專力于邑乘以畢吾志又拾月而告竣爲卷一十有二哀然成帙矣夫自前明丁丑迄於今日官凡幾易事凡幾更而邑乘之脩若于吾乎有待而時至事起

似亦有數存焉而非余之敢于任勞也余莅和

年餘囊無長物束裝北上惟有邑乘數帙歸奉父母旁及親知此外明月隨舟清風拂水不獨余之可以自間亦可以質之和民而無慚者也康熙五十八年歲次己亥四月之吉知平和縣


事瑯琊王相撰



平和縣志

卷之首序

三



爾平和縣誌序

邑之有志作於前述于後寢曠而舉幾絕而續率皆百年後興而其興也蓋必有大賢者為之宰以其恢々游刃之才肩起裏振廢之任而後曠者舉絕者續平和之志曠絕者將百年矣

卿瑯王公宰邑之數月慨然念文獻無徵謀諸紳士申請於當道列憲而重脩之

平和縣志

卷之首序

一

值余方以艱家居不知其鄙也命使者具書幣介茂才時君宗亨曾君惠中而屬余載筆焉予惟文章之道史才尤難志衆亦史之遺也顧予何人可預其選矧予生稍晚不及見百年以來故時而和又僻遠予雖生同郡未嘗履其境覽其山川風物與其士大夫交游聆其軼論有所觀記其何以襄盛舉哉乃公轉以其足未嘗相過

口未嘗相授者謂可以奮笔直書無所回

互左右於其間為雅稱是職也而強起之予勿獲辭也爰請諸公招予友孝廉藍君三祝偕往即事焉自戊戌之冬迄今已亥四月而書竣蓋自縣國丁丑以前悉準諸舊志而稍訂其繁為以故則若規制風土戶賦兵防皆按諸府志及他吏牘而增脩之至其人物仕宦隱彥閎貞則皆俾陳

平和縣志

卷之首序

二

牒于公精覈其名實而始登於志蓋公之於是志至詳且慎務使百季文獻必申信今而垂後誠所謂大賢者也愧予不能抒寫潘文莫揚樂旨第不敢信疑傳舛創矜臆獲兢自然指事屬詞于大賢之心庶幾無負爾若其拘牽膏陋樸樵少文則所不敢肆者已

賜進士出身吏部觀政鄰治年家弟昌天錦

頓首拜書



平和縣志

卷之首序

三



序

和之建邑自有明正德間邑之有誌始於嘉靖乙巳終於崇禎丁丑也屈指百有餘年山川風物草昧荒畧雖前溪載筆於前祇園踵事於後而和誌終未得為完書也且由勝國末季迄我與朝鼎革其間時事之治亂政教之得失風土習

俗之變易與夫節義忠貞幽芳潛德亦畧可紀

平和縣志

卷之首序

一

矣又况

國家承平日久太平之澤垂六七十年淪洽涵濡文物禮樂日新月異山陬海澨窮鄉下邑盛美軼事史不勝書也而遲之又久時遠事湮文獻無徵傳聞互異後之人於若信若疑之間依稀彷彿欲續墜緒莫由也已百年之間第見山高水深寧非和邑憾事哉是和誌之修較重於前


莫為之後雖感弗傳也予自新授和邑於都門
 訪漳郡者宿問和遺事無能言者間得一二民
 風土宜所聞異辭亦畧而弗詳是歲七月之秋
 十有一日乃得抵和任事履任伊始方如面墻
 而王君軒六適自省旋和授以新成和誌一帙
 披覽之餘疆里土物建置沿革區分縷晰歷指
 指掌間因歎王君蒞和未久旋晉職以去紛紜
 平和縣志 卷之首 序 二
 盤錯之際獨能綽有餘地遵 憲檄以成不朽
 之盛事而才短識暗如予者于甫任和邑茫無
 緒理時即得是編有所考據以遵途不謬此予
 之私幸而抑又為和邑幸並為凡蒞和者幸也
 則王君此舉詎惟兩朝文獻勒成完書其所補
 益於地方民物者豈淺耶因喜而為之序
 康熙五十八年己亥歲七月既望知平和縣事

年家眷寅弟荆南談經正頓首拜撰



平和縣志 卷之首 序 三

三



原序

明大理寺正卿王命璿

蓋聞古之君子膺民社之寄提軍國之衡其所總綽採輯者慮曠久而易湮而實於體國經野視躬範世之本務未嘗不深思而熟計也和故古綴安地巔崖峻峭盤谷漫衍為漳右臂王文成倡道東南輯寧疆土流之治焉迄今人文駁發與諸邑齊驅所從來矣舊誌畧而未備而風氣不無遞新政教間有互異鏡古者胡能無全豹之憾乎文未喪天道且行地於是江藩朱公以天潢嫡派參畫吾漳承攝茲篆歷層巒

平和縣志

卷首 原序

之霧列撫俊彩之星馳教誨生聚不憚拮据遁於退食之餘翻閱厥帙而見夫大賢創建九越尋常討論脩飾應在後人用因舊史之遺文加以剛削之大義上自正嘉下逮啓崇收其放失悉為詮次間於樽俎之內寓乎折衝諸如嚴城池設圍隘練鄉兵編家甲為戰禦計弊無不剔又如脩文昌葺西橋新房科刻縣誌為整頓計利無不與甚而綠林竊發督兵倅敵暨從來未有之功斯不亦踴然底定與文成蕩平之勳千載一轍哉志成凡若干卷而索額於不佞承命甫慙方在鞅掌披誦孔彰尤不禁樂善之懷也因而

思曰古列國各有史官以掌道方志漢史遷採上古方書而傳志作焉凡以著山川之險易驗俗尚之淳漓考人物之盛衰訂治道之得失而為當世法戒之林也邇侯方入秦而遂收圖籍文翁一化蜀而遂敦典刑在昔名世蓋臣莫不以載輯典籍為本務公今以維城之親攝如舍之篆一種和平用以視吾躬而範斯世其聿脩乃志也於以軼方書而追史冊真不啻蕭之於秦而文之於蜀也炳炳乎煥煥乎體國討謨經野遠畧也寧總總然以採輯曠久為誇詡耶故管攷之地不特以誌重抑亦以人重阿陽單父皆以

平和縣志

卷首 原序

人而傳者和有志而公以和傳和亦以公傳矣不佞幸讀公志而漫額一言以志公之不朽亦以垂和之不朽矣敬援筆而為之弁云

明都御史王志道

余生長吾郡足跡未嘗至平和臨海王侯為令數為余言平和大峰山之勝也丙子之冬侯以遷秩過余山中曰行矣大峰之下殆將有伏莽焉令在僅能使不發令去視事者其有憂乎侯行果蠢蠢起視縣事者大以為畏途於是豫章宗彥判郡朱公往蓋漳連歲憂海而身寇之匪茹者首被於平和鄙之不逞稍

循應之公至亟治應者先戡良而徐分暴賴往未踰
月上俘馘於幕府者數至必以覈道路以通余所聞
於前令之憂爲之頓釋比公得代手一編見示則平
和縣志也方馳撫馭卽就編摩經武緯文同時並出
雖古之茂宰所未有也平和之爲縣自王文成始置
至高安謝令始爲之志是時縣猶未文物也百餘年
來民自靖而安而富而教事則自質而文治則自草
創而經緯而補救日新矣富教則宜志文則足志補
救日新則不可以不志毋如吏其土者才有所不暇
而視有所不急何惟公才敏而瞻識顯而周盡心民
平和縣志

卷首 原序

三

事然必準古酌今以備擬議而變化之故視紀載爲
經世務之首事而詰奸之下併與載筆之役數月署
令舉百年之墜緒不日其成夫非獨文武才也全文
武才而以整以暇始足以見公耳漳之爲郡自垂拱
丙戌四百九十餘年而志未立淳熙守綱始創之嘉
定守汝謹始脩之淳祐再脩而又始終於教授崇珙
之手是三公者皆宋宗彥也本朝舊制宗室不授吏
事神祖始開之漳之得徵惟翰惟城之寵始自公而
一試縣遂成平和縣志漳之志事豈於天潢之籍有
緊屬焉者乎但宋以太守政成爲之今以數月署令

且在梓鼓干楸之隙舉之神武欽文之齋固非天水
涓流所可望其後塵矣昔范宣子誇其帝冑以當不
朽而穆叔以三立誦之如公者以神明之胃備三立
眞不朽矣而後乃今大峰之墟匪寧日靖茲山也且
藉今志以名於世矣

明宮詹黃道周

今幅員之廣卽窮豎亥之力亦不能悉其川原之隩
隈名物之繁贖自龜書出而升沈紀傳志之設久而
微徵而傳積邑以知郡積郡以知省積省以知天下
雖億千萬禩猶如一日平和之有縣也自王陽明督
平和縣志

卷首 原序

四

撫始也縣之有志也自謝前溪令君始也其盤山互
嶺浚谷紆原凹凸巖從洞沓派滙上控汀漳下搯交
廣先是重關設險以備門庭之不虞第不如置邑之
固也經百餘年而生齒日繁墾辟日溥風氣日趨能
不高岸爲谷乎能令清嘔過爲冷風乎能使梟獍革
面而懷音乎能勢鳴按堵乎此皆令長事也祇園朱
先生以藩齋膺題與之命職漳郡司農徵其遺賦寄
扞振焉下車而賢聲載道適平和乏令當道以先生
吏績最優屈旌輿而下攝先生一日居於其署便一
日業於其官孰催科而撫字孰防禦而克詰時其徵

斂作其團伍陳其紀綱寇發則窮搗其穴取瘡痍而
噢咻之以時進其儒英課其藝業諄諄然忘其遵守
之尊若慈母之撫循其子也一日閱縣志歎曰是百
年來之懿蹟幾墜矣後此者當何如矣志也者以徵
事尚其實而膠柱可虞以立辭取其簡而居要斯難
先生以淹纂之才直任筆削暢探荒極稽驗遷埤明
利害之嚮背離翕之差謝朝華於已披啓夕秀於未
振數月間垂不朽大業是固胸有成錄藉此專城而
一奏其善刀之素然者也信足以下定民籍上輝帝
采矣徒曰譜牒之奧區乎哉

平和縣志 卷首 原序

五

明諫議何楷

平和居漳郡西南陲在職方爲新設之邑當正德間
蘆溪箭管諸巢寇出沒叵測汀漳寶靡寧宇時陽明
王先生督撫南贛發二省兵定平其境請于朝設立
縣治割南靖漳浦二里以麗之於是乎虎遁跡而梟
革音莠莖邑首惴惴然勞來安集之不暇毋亦拮据
將和以因吾園焉暇謀及文獻事閏再週是爲嘉靖
乙巳江西謝前溪公來宰是邑學有要領宗陽明議
論謂前績不終後緒不繼則無徵實創脩縣
志迄于今且百年矣其間氣運之升降戶口之繁凋

人才之盛衰風俗之醇漓阨塞之遷徙政教之興墜
沿革之互變是未可以因循而理也祇園朱先生派
出天潢以翰練之材司郡儲峙逋縣隱覈兼職督奸
不以批抵爲事奸發輒禽凡兩造之質于庭者毋不
輸情快心以手加額而去其慧根剝割若劉穆之之
五事具舉當事者悉先生治狀適平和乏帥命先生
守兼以大府之尊行孔邇之化數月間閭閻有聲猶
諸中牟單父然夫宰邑者寡不薄視山縣之簡樸支
持歲月以祈無咎無譽誰能以父母之真心行之先
生之攝斯邑也至則練鄉兵嚴保甲脩險隘爲弭盜

平和縣志 卷首 原序

六

安民之策綢繆拮据殫極心力偶蘆溪流劫猖獗
結蟻聚先生督山崩土圍直搗其穴執訊獲匪一方
藉以救寧又以暇時脩其津梁庀其祠宇葺其廨舍
不忍以寄旅之跡視之蓋體皇上錫極之德意以沛
維城之徵猷爲宰邑者之獻儀曰孰是叢咀之區居
汀漳要害而興革損益不以告後之君子况禮樂百
年而與茲政其時也因取前志而臚分旅析增所未
備廣其不及舉洪巨於包帶極纖微於營緯盡山川
之啓塞闡科條之叅鈞同蔚宗之旨趣宵孟堅之鋪
叙自設縣以來宰不一人人不一政論述則榮於華

袞貶斥則凜於鉄鉞實文治旁魄之日曠絕之觚翰也昔常璩志華陽廣徵志吳地並以鴻筆垂爲信史是編信兼美於前而不徒爲一方一隅之書矣是爲序

明吏部盧化薰

國家治化翔洽迄于遐外吾漳在閩最南雅稱衣冠文物之鄉與望國齒諸邑基置草昧于唐自宋元以來漸次雲峙獨平和肇基於王文成幅員新啓連詔控饒號爲巖邑方文成視師至和頭也採輿人議疏請分畿蓋是處山川阻修非得賢令長捐循彈壓之

平和縣志

卷首 原序

七

則西鄙不淨赤白丸得闌出入狼卜豺祭無復已時故建治急焉今百二十年家絃戶誦蔚爲華眷簪裾繼踵半用經術致身其他才技亦足自展次者爲善於家力田孝悌出其賦役屢市借作有事則荷戈帶甲以辟於四郊故禍變旋戢巖岫交枕遂得齒於他望縣而文獻殘缺非所以彰往而詔來也王制曰廣谷大川異制民生其間異俗剛柔輕重遲速異齊五味異和器械衣服異宜此數者亦何關於鴻鈞而任其無徵則地利不必習典廢不必詳灾祥不必警戶籍簿正不必正舟車津梁宮室不必具風俗習變蔽

佩戴衽貞邪士女不必考官師胥史勸垂不必興生

殖器用桑泉百貨不必察如彼行邁錯趾全迷艱於問途得無爲五都之市所笑哉譬之治者辨土而墜礪器而施砥其正反攻其堅瑕苦窳之患不作而後乃稱良工今夫民牧亦一邑之治師也因時創立俾有藝極京庾得儲老幼得序治農於籍蒐於歲隙婦子蜡臘躋公獻壽不至災沴陰陽之變無復沈命坐累之憂則國家建設之意與巨賢躡導之功兩無負焉此誌之不可以已也先是嘉靖間明德謝公始倡輯之存其梗槩以待後之增修若百丈之泉必時時

平和縣志

卷首 原序

八

而續之縷斯得汲也近臨海王公有事屬綴會遷去不竟今宗侯朱公甫署篆遂博採精核爰成新誌百二十一年之事瞭然指掌如明鏡長懸逋髮畢照可細按而徐爲料理其於脩教舉政之旨不旣十全乎予惟視民於斯者莅相承也而山川之所動盪功烈之所肇造豈非在其人哉匪爲不經而侈厥度遊刃引割恢及編摩公之聲績爛然在雙鬢九嶺間矣若乃鳩巢獲醜之勞載在乘中不復述云

明署邑令朱統鈺

邑之有志猶國之有史也一日不備則無以徵往而

docsriver 文川网
入驻商家 古籍书城

在文川网搜索古籍书城 获取更多电子书

詔來而况生齒之凋繁陵谷之遷變名物質文之升降十數年間時更而景輒異即以茲邑觀之創闢方百有餘載昔也荒莽今爲樂郊昔也狂獠今爲謠俗鉅公名流挺生鵲起詎可令祀宋無徵文獻不足哉余不佞暫攝斯篆詢其逸事鮮有能知者及稽其紀載則已版竊字湮矣前令臨海王君徵脩舉而未竣竟以遷去因不揣案牘之餘商正先達特加輯訂擇博雅諸生佐成之務芟浮蔓拜閱遺期於典核可傳後之君子得而變通潤澤之則一邑之志庶乎不刊矣

平和縣志 卷首 原序

九

明邑令楊清

不佞於丁丑季夏之十日來知平和適遇萑苻囂警之餘出沒靡常往來飄忽憲檄之督捕者日至如雨不得不惴惴焉日以編甲厲兵安良戢暴爲事陟則嶽降則原山泉之勝亦每每以馳驅困頓中失之又適况乎錢穀之幾何入戶口之幾何數險阻要害之幾何布列民風土俗之幾何敷陳高賢事業名世文章之又幾何傳法傳之盲兒問道蓋俛俛乎不知所之忽有携平和新誌來者披閱一過文不繁而義已

盡宵紫星炳餘緒絲分不覺撫誌而嫣然曰兩月來不知平和今知平和矣開我蒙而振我覺惟此誌矣問何以得是誌曰得之聖裔祇翁朱老大人以巡備署和不數月而幡然新之者也然則不佞之稍有知於平和不在不佞任平和之日而轉在祇翁署平和之日平和無祇翁則平和無新誌平和無新誌則知平和者將何以知平和繇斯以觀知平和者世世將祇翁之造知於知平和者亦世世矣於是請爲之跋應之曰不佞無可爲誌贅將贅是以誌新是誌之祇翁云

平和縣志 卷首 原跋

十

國朝擬俗平和縣誌序

邑令金鏞

今上御極之二十有一年鯨鱷遠逝有六德率臣之意而象弭魚服陳凱北旋郊廩不復見有幟飛馬踴焉此偉觀也伊誰賜哉天少繼畧姚公以生牛闔域所被澤於海濱者人能言之而德溥山陬蕩蕩難名下令鏞日操蒲筆從事炊婦繭絲惟不及是懼方謂斯役不休常倣監門鄭繪遂幸復妖祲懷川嶽而棕竹鐵油弗問畚壑村鷄夜犬不驚催吏且伺呼血涕之狀不至階除為民幸乎為吏幸

平和縣志

卷首 原序

十一

乎昔程穴而今繡壤昔沿制而今刃游宜平和之有志也更急於他縣矣會 制憲有彙取各郡邑貞圖之命八退畫一功施爛焉而知傷懷抱猶令言者以浮矣為戒是其惻民之隱矜細囑微也郡帥帥朝發是檄而夕趨之其於治平之奏視為亟務而體固經野俾小大均有所式承而後快者鏞敢以不遑辭爰諮孝廉名宿博搜勝圖殘篇訂訛補闕續成我

本朝定鼎車書一統之治而海晏天霽答揚

天子休命所歸功於耆定元老者白碑奚述哉詩曰

矢其文德洽此四國不令鏞謹錄平和誌以進

平和縣志

卷首 原序

十二

脩志姓氏

總裁

分巡海防汀漳道按察使司僉事加三級李 鉉 祁山

鑒定

漳州府知府加一級 李秉衡 山公

重脩

平和縣知縣加一級 王相 天木

參訂

平和縣知縣 談經 正 傳六

平和縣 儒學 教諭 姚黃甲 叔度

平和縣志 卷之首 姓氏

平和縣 儒學 訓導 王應運 茂開

校正

平和縣 典史 郭朝賴 夢吉

漳汀巡簡司 羅同球 梅谷

纂脩

龍溪縣 進士 昌天錦 倬菴

漳浦縣 舉人 藍三祝 長吉

山東諸城縣 茂才 竇崑 我客

編輯

平和縣 生員 游宗亨 岸先

平和縣 生 曾惠中 又宏

平和縣 生員 陳璧機 幼遷

平和縣 生 曾文著 尚之

平和縣志 卷之首 姓氏

二

凡例

一和志坊于有明謝令前溪署縣朱別駕祇園重脩原分十卷曰輿地曰建置曰賦役曰秩官曰宦政曰選舉曰人物曰恩寵曰藝文曰雜覽頗為簡要但有學宮而無祀典有關隘而無兵防未免掛漏今悉增補其麗事之未妥者亦稍加裁定非敢擅改成書亦以寧詳勿畧云爾

一前輩論贊淹博高古迥非後人可及茲凡前志原文槩登首幅止訂其亥豕陶陰不敢意為棄取由舊章也至事關風土計切民生作者別有論著悉

平和縣志

卷之首

凡例

附於後

一山川登載比前志頗詳蓋觀其險要以知備禦察其脈絡以分疆域職方所宜留意也况奇巖邃洞激湍清流又高人韻士之所流連不置者乎

一祀典分別壇祀廟祀祠祀皆有司致祭者乃為登入餘雖廟貌維新金碧輝煌亦附雜志以見不在祀典之列焉

一賦役兵防二冊係民生休戚國家利病故博稽詳考援古證今意有未盡者別為論說以暢之俾觀者知源流得失而便民衛國之義起矣

一文武准互考試

朝廷作養盛心從前所無至武試亦以論孟命題尤見陶融妙用敬登志書以昭特典

一選舉之法唐宋以來皆重進士科故首列科目亦猶行古之道也至

本朝立賢無方薦辟不拘一格科目而外尚多奮庸熙載之儔皆列於後更以勳爵賜恩任子者附焉

一他邑志書不載誥勅全文以卷帙浩繁也但前志既為錄入傳近百年矣奚忍遽為刪去仍舊存之

更取新者附焉繫選舉卷末以示不別為立卷之意

平和縣志

卷之首

凡例

二

一秩官一卷舊志獨著年表視他邑較詳既便觀覽亦仍舊貫

一置邑未久宦政無多寥寥數人另為一卷未免寂寞今即附於秩官之後以省繁文

一人物係舊志所載者槩為收入間或本志未備別見府志他志者亦以彙入至

本朝七十餘年間凡有可傳亦悉論列善善從長也但事必核實譽必有試矢公矢慎匪曰薄待今人總不欲以偽亂真耳是非俟之百年得失準乎輿

論斯爲信史矣

一班固以古今人物強立差等見譏昔賢故聞書中不分名目矯其失也今止別時代槩以縉紳章布等目類聚相從一如閩書之例

一風土有志以屬瑣細然經里節宣之宜於是乎在無爲貴畧也易椎髻爲冠裳變荆榛爲桑梓驕悍之俗何自克馴庶類之蕃奚爲茂育將有觸目而留心能無執簡而撰述

一藝文必錄其有關風土者故前志首載王文成設縣一疏以示不忘所自也但明季尚有遺文與朝

平和縣志

卷之首

凡例

三

猶多若述豈可委之蠻烟荒草間乎茲悉增八分別上下上以仍其舊下以從其新

一紀載之闕將及百年其間興廢不一沿革靡常簡編遺失聞見互異載筆者生乎其後既未得目觀時事又不能親自博訪廣詢據所傳聞運筆直書安保其一無誤乎不知而作深用爲愧起而論訂以俟君子

一重脩邑乘開局亦臨軒內始於戊戌十月終於己亥四月其間往來採輯游君宗亨會君惠中二人之力居多至校讐及核則陳君璧機實任之敬登

姓字以志不朽


王軒六氏謹識

平和縣志

卷之首

凡例

四



平和縣志目錄

首卷

序文 原序 脩志姓氏 凡例 輿圖

第一卷

疆域志

沿革 分野 形勝 山川 里社

街市 附墟 津梁

第二卷

建置志

城池 公署 倉庫 舖塘 土堡 樓

平和縣志 卷之首 目錄

閣 亭 養濟 義塚

第三卷

學校志

學宮 鄉飲 鄉射 社學 義學 學田

生員額數

第四卷

祀典志

壇祀 社稷 山川風雲雷雨 厲祀

廟祀 文廟 城隍 成惠 旗纛

祠祀 節賢 名宦 文成 生祠

第五卷

兵防志

兵制 汛防 歷官 團隘 教場

文武會操條教

第六卷

賦役志

戶口 附役法 田地 附賦法 雜賦 屯田

起運 存留 鹽課

第七卷

秩官志

平和縣志 卷之首 目錄

年表 縣官 學官 屬官 宦政

第八卷

選舉志上

甲科 鄉科 明經 附文職 武科 附武職

援例 掾吏

選舉志下

勳爵 貶恩 任子 恩給

第九卷

人物志

縉紳 章布 閭巷 閭閻 方外 寓賢

第十卷

風土志

民風 物產

第十一卷

藝文志上

奏疏 碑記 傳序 詩賦

藝文志下

著書總目 碑記附誌 傳序 詩賦

第十二卷

雜覽志

平和縣志

卷之首 目錄

三


寺院 犛獐 災祥 寇變 古蹟 興革

叢談

平和縣

總圖






平和縣志 卷之首

提鈴巷

四


西至廣東大埔縣一百二十里




平和縣志 卷之首

提鈴巷

五



學之圖



平和縣志 卷之首

六

三平寺



平和縣志 卷之首

七

三平山圖



平和縣志

卷之首

八

傳良多時子亦其時發達

曲徑通靈異信來信去

燕至夢中

孫承和



大峯山圖




平和縣志

卷之首

九

大青山



平和縣志

卷之首

十



奇峰十七接青霄
海湧明霞
入望色旭日
岩邊花帶露
珠簾下水生瀾

王天木氏



平蘇八景

雙
巖
圖
十

平和縣志

卷之首

十



docsriver 文川网
入驻商家 古籍书城

在文川网搜索古籍书城 获取更多电子书

雙髻升職



平和縣志

卷之首

十三

層巒天際露娉婷
霧鬢雲鬟立
渺冥旭日初升
滄海綠晨光直
射兩峯青

瑯琊王相題



九峯還
照圖

平和縣志

卷之首

十三



